



## Plan strategic d'energia

Ün tema es il provedimaint da chalur central pels stabilimaints publics aint il center da Scuol. Dal 2018 es gnü fat ün stüdi da variantas correspondent. Lapro s'haja examinà sinergias pussiblas e l'ütisaziun dad energias regenerablas. Plünavant sun gnüts svilupats concepts pussibels per ün provedimaint da chalur cumplessiv. Ün stüdi da realisabilità ha examinà la pussibilità d'ün s-chodamaint a distanza «Scuol center» cun o sainza il s-chodar cun laina.

Duos interessents han dumandà al cumün independentamaing schi saja planisà ün s-chodamaint a distanza opür schi füss pussibel da fabricar alch da quist gener. Per pudair coordinar il proceder e per ütisar optimalmaing las resursas dess gnir fat ün plan d'energia pel territori da Scuol. Implü dess gnir elavurà ün plan strategic (Masterplan) cul focus sülla fracziun da Scuol per identifichar potenzial per progets da s-chodamaints a distanza.

Il cumün ha surdat la lavur correspondent ad Amstein + Walthert AG, Turich. Quista firma cugnoscha fingià il cumün e til accumpogna eir pro la recertificaziun pel label Città d'energia.

Grazcha al label Città d'energia po dumandar il cumün subvenziuns our dal program «Citats e cumüns innovativs» [Fortschrittliche Städte und Gemeinden] da *EnergieSchweiz*, la plattform da la Confederaziun per l'efficienza energetica ed energias regenerablas.

Las lavurs nu sun büdschetadas per quist on. La surdatta vala culla resalva cha la radunanza cumünala approvescha l'import correspondent cul büdschet 2022.

Avuost 2021